



Na osnovu članova 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 13. Odluke o izvršavanju Budžeta Općine Centar Sarajevo za 2025. godinu („Službene novine Kantona Sarajevo“, broj 6/25, 10/25, 27/25 i 40/25), člana 5. Pravilnika o kriterijima i načinu dodjele sredstava za aktivizam mladih Općine Centar Sarajevo („Službene novine Kantona Sarajevo“, broj: 7/25 i 44/25) i Odluke o pokretanju postupka raspisivanja i provođenje Javnog poziva broj: 13-11-6490/25 od 14.11.2025. godine, Općinski načelnik upućuje

JAVNI POZIV za dodjelu sredstava za aktivizam mladih Općine Centar Sarajevo

I OPIS PROGRAMA

U cilju unaprijeđenja položaja mladih na području Općine Centar Sarajevo ovim programom nastoji se pružiti podrška mladima kroz rješavanje relevantnih pitanja koji doprinose lokalnoj zajednici ali i kreiraju temelje za dugoročnu društvenu i ekonomsku održivost. Za ovu namjenu Općina Centar Sarajevo planirala je sredstva u Budžetu Općine Centar za 2025. godinu u ukupnom iznosu od 30.000,00 KM.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II PRAVO NA DODJELU SREDSTAVA MOŽE OSTVARITI:

Pravo na dodjelu sredstava iz ovog granta mogu ostvariti:

- a) Udruženja upisana u Registar omladinskih udruženja Općine Centar Sarajevo;
- b) Neformalne grupe mladih uz administrativnu podršku udruženja iz tačke a) ovog člana.

III TRAJANJE JAVNOG POZIVA

Javni poziv se objavljuje na web stranici Općine, i ostaje otvoren 30 (trideset) dana od dana objavljivanja .

Zahtjeve za ostvarivanje prava podnose se na propisanom obrascu, a koji je sastavni dio Javnog poziva u rokovima predviđenim ovim Javnim pozivom.

IV KRITERIJI ZA IZBOR KANDIDATA IZNOS SREDSTVA:

U skladu sa Pravilnikom sredstva za aktivizam mladih će se dodijeljivati za finansiranje aktivnosti, kampanja, skupova, promocija, edukacija, akcija i inicijativa itd.

- (1) Sredstva člana će se dodijeljivati jednom u toku kalendarske godine a minimalan iznos sredstava za prijavljene programe može iznositi 1.000,00 KM a maksimalan 7.000,00 KM.

V POTREBNA DOKUMENTACIJA:

Uz zahtjev je potrebno priložiti slijedeće dokumente:

- a) Izvod iz upisa u registar udruženja (original ili ovjerena kopija, ne starije od šest mjeseci);
- b) Opis programa u skladu sa članom 4. ovog Pravilnika;
- c) Cilj programa i ciljne grupe obuhvaćene programom;
- d) Vrijeme planirane realizacije programa;
- e) Planirani učinak u odnosu na strateške ciljeve Strategije prema mladima;
- f) Budžet planiranog programa;
- g) Dokaz o otvorenom računu;

Neformalne grupe mladih, pored gore navedene dokumentacije dužne su dostaviti pisanu saglasnost udruženja koje će pružiti administrativnu podršku planiranom programu.

Dokumentacija od tačke b) do tačke f) ovog člana, dostavlja se na propisanom obrascu koji je sastavni dio Javnog poziva.

VI NAČIN DODJELE NOVČANIH SREDSTAVA

Zahtjeve razmatra Komisija za provođenje postupka odabira korisnika programe aktivizma mladih (U daljem tekstu: Komisija), a koju imenuje Općinski načelnik.

Općinski načelnik, na osnovu prijedloga odluke Komisije objavljuje preliminarnu listu odabranih korisnika.

Podnosioci zahtjeva mogu u roku od osam dana od dana objavljivanja preliminarne liste podnijeti pismeni prigovor Komisiji za razmatranje prigovora koju imenuje općinski načelnik iz reda državnih službenika.

Odluku o prigovoru, Komisija za razmatranje prigovora će donijeti u istom roku, računajući od dana njegovog podnošenja.

Nakon okončanog postupka prigovora Općinski načelnik donosi konačnu odluku, na osnovu koje se izrađuju Ugovori o raspodjeli sredstva.

Svaki član Komisije će biti isključen iz postupaka dodjele ukoliko se utvrdi da je u sukobu interesa u odnosu na podnosioc prijava, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

VII NAČIN PODNOŠENJA ZAHTJEVA

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport putem protokola ili putem pošte, ulica Mis Irbina br.1.

Za sve dodatne informacije korisnici mogu pozvati broj telefona 033/562-384 ili poslati upit na mail: mladi@centar.ba

Javni poziv se objavljuje na web stranici Općine Centar i ostaje objavljen 30 (trideset) dana od dana objavljivanja.


OPŠTINSKI NAČELNIK
Srđan Mandić